



硃批諭旨

鄂彌達奏摺上




硃批鄂彌達奏摺

雍正六年九月十一日貴州布政使臣鄂彌達謹  
奏為奏

聞事竊照普天疆土自

國朝開闢以來休養生息民間戶口日繁宜乎無不闢  
之土無不耕之地乃查黔省

奏報冊內現徵錢糧已熟田土及陸續新墾自首田  
土共一百四十七萬九千五百畝零未墾田土八  
十七萬五千有奇以全省之繁庶豈未闢田土尚  
有如此之多其間或係小民無知欺隱或為豪棍



從中阻撓或爲官吏徇私抑遏以致報墾寥寥均未可定臣自到任以來清查軍田料理開墾出示曉諭至再至三不意一年之限已滿據各屬開報者不及荒蕪十分之一臣細加思維與其懲治於將來不若清理於目前統計州縣田畝曠闕多者隱匿自多曠闕少者隱匿自少今黔省各處曠闕纍纍自應將最多者先爲清丈臣今不揣愚昧欲將侵隱最多之鎮遠縣田地俟秋成後委員查丈果係實在曠闕者招佃給本開墾如已舉首及已報墾而爲官吏侵蝕分肥者卽爲叅革究擬如係

豪強地棍侵占者亦卽嚴拏治罪庶各屬官民間風畏惕不待逐處清丈必然首報清楚將見黔無曠土賦額漸增其於

國計民生均有裨益矣緣事關清丈合先具摺奏

聞伏乞

皇上睿鑒謹

奏

清丈之說不可輕舉當與督撫詳悉斟酌此奏甚屬孟浪爾原不諳外任豈得如是率意妄爲凡百須向歷練有識見人再四熟籌然後定議方無謬誤蓋地方一舉

一動關係民生休戚非旗下事務部院案件之可比也

同日又

奏爲奏

聞事竊查黔省有官莊學租一項額徵米三千九百三十六石九斗零內除支給舖兵米一千九百三十九石三斗外其餘米石歷屆

奏冊俱作賑濟寒生窮民報銷其實止給省城寒生窮民米二百餘石鳴贊生員九十六石餘剩之米悉爲各衙門官役食用相沿爲例迨至雍正三年經署撫臣石禮哈

奏明變價歸公分給各官養廉前司祖秉圭以職官不便分沾貧民之食又因

奏銷冊內未除仍以寒生窮民姓名造報是以定議將前項餘米分給巡撫司道各衙門役食并鳴贊生員以及省城貧民寒生暨各府州縣貧民寒生食用在案臣到任以來查此項米石雖係歸公但事關

奏明之項不得不細爲籌畫除雍正五年之額米已經前司議定通行飭遵似難更改外其六年之米除給舖夫口糧之外餘米似宜斟酌舉行查生員

之內貧富不等而品行亦有高下若據呈詞卽行批給恐有無耻之輩冒認單寒無從查其虛實似應行令該教官查明取結詳送學院核實移咨院司轉飭地方官照例撥給至孤貧一項原應計口受食豈可定數派撥似應通行各屬確查如建有養濟院房屋在內居住之孤貧按照人數亦依極貧成例支給其無養濟院之處貧民乞食往來無定毋庸撥給至鳴贊一項有迎接

詔旨宣講

聖諭之責應請照舊准其支食其各衙門人役自有工

食與貧民不同未便支食官莊米石查各屬罪犯解省覆審俱是沿途求乞殊堪憫惻似應將此項米石每名每日給與八合將所給口糧數目令各屬按季冊報稽核以上幾項核實支給之外每歲約餘米一千餘石應令各屬變價解司於秋成後就近買米存貯省倉如遇青黃不接之際零星平糶以濟民食仍於秋後買補貯倉如此行之年久不特積貯漸增抑且民食有賴於

皇國計民生均有裨益也緣此項米石現在開徵又據各役紛紛具呈請領臣不便支給合先具摺奏

聞伏乞  
皇上睿鑒謹

奏

此事應呈詳督撫酌定何得如是自立主見耶將朕所批二摺硃諭與鄂爾泰沈廷正看

雍正七年正月十一日貴州布政使臣鄂彌達謹

奏爲恭謝

天恩事竊臣庸陋之質荷蒙

隆恩特授黔藩自到任以來凡有關係

國計民生靡不朝夕思維殫竭智慮以冀少有裨益

遂將摘丈鎮遠縣欺隱田地與官莊學租米石定議撥支二事冒昧繕摺奏

聞奉有

硃批臣跪讀之下感激悚懼愧悔無地遵卽齎送督撫  
二臣閱看其摺內事宜應聽督撫會商審擇行止  
覆

奏外臣自顧何人得沐

聖主諄切教訓俾孟浪不諳之處翻然悔悟知所遵循  
嗣後一切辦理公務自當悉心與歷練有識見人  
慎重商酌不敢妄生意見以仰副

硃批諭旨

上

五

鄂彌達

皇上諄諄教誨之至意所有感激微忱理合繕摺恭

謝并繳

硃批原摺爲此謹

奏

覽奏知道了秉公敬慎勉力爲之

同日又

奏爲據實陳明仰祈

睿鑒事雍正六年十二月初九日撫臣沈廷正傳臣入署將其所奏臣家人蕭大在鎮遠地方欲買使女被顏致明騙詐銀兩一摺奉有

硃批令臣開看臣伏讀

皇上硃批此事必須兩罰方爲平允若回護藩司家人而偏究顏致明斷乎不可將此論亦令鄂彌達看欽此臣跪讀之下感激涕零惶恐無地隨嚴訊家人蕭大據供小的跟隨赴任時五月二十四日因小的中暑在常德任宗陽客店養病聽得那邊買使女賤曾有店家之弟來說原任江西裴大廳的兒子有箇使女要賣小的意欲看定再回請示原叫他領來看過因不好就罷了到七月初間病好起身於二十三日到鎮遠府在龔家歇店住了一夜



黑早就走竝不認得姓顏的亦無銀子被人騙去等語臣恐家人或有隱匿不吐實情亦未可定遂將蕭大移送臬司衙門嚴加訊究而撫臣不令臬司究審蕭大只教臣照摺內一一應實臣以事屬瑣細若過於辯白殊失

朝廷大吏之體所以寧令家人認罪不敢置辯隨將家人在常德情由認作鎮遠舉動事本未成不曾被

騙等語錄一供單送撫臣在案伏念臣受似此等奏如佛喜馬哈博爾多無不皆然較爾更為懇切朕上洪恩教誨多年昇以管鑰之任在犬馬之性亦知自愛即欲買使女何處不可買豈有甫經到任即

節節不堪問可謂顏面壞盡奈何奈何今只看爾福量大小及爾祖宗積德厚薄耳朕竟無法可施言及此曷敢狂縱至此其間情事虛實難逃

聖明洞鑒臣不敢瑣瀆天聽今臬司嚴審致明竝不認識蕭大亦無買人騙銀之事請提證佐質訊撫臣云此事奉

旨兩罰可不必提證佐惟令臣照前稟寫供送臬司具奏詳即為回奏臣若過為辯白反屬偏護家人如不

將實情

皇奏明又蹈欺罔之罪今雖照撫臣之意而行其中實

殊批諭旨

上

七

鄂彌達

聖主之前此後惟有日夜兢惕以仰副

皇上曲賜矜全之意而於其中實  
洪慈爲此謹

奏

斯事沈廷正所奏甚悉已有旨矣

雍正七年四月十五日貴州布政使臣鄂彌達謹  
奏爲奏

聞事竊查黔省地方山多田少每歲民苗秋成之外兼  
賴春花資生所有豆麥雜糧均藉雨水調勻以期  
豐收茲屆春收之際通查各屬雨水及時春花約

有十分收成臣親往郊外細加察勘據農人咸稱  
所種豆麥雜糧菜蔬顆粒根株較之上年加倍肥  
大或已經秀實或現在收穫皆有十分至秧田雨  
水霑足稻苗暢茂現在始行插秧將來秋成可期  
大有除俟各屬收成分數報齊之日彙冊詳送督  
撫二臣

聖奏報外所有春花豐收情形今因恭繳  
硃批之便具摺奏

聞謹

奏

硃批諭旨

上

八

鄂彌達

據奏雜糧收穫稻苗暢茂欣悅覽之

同日又

奏爲欽奉

聖訓事竊臣前因陳明家人蕭大一事繕摺具

奏奉有

硃批臣跪讀之下感憤交集念佛喜馬哈博爾多等身  
受

皇上隆恩旣不能克己急公恪供職守以圖仰報萬一  
乃復利欲薰心貪贓枉法下愚無耻莫此爲甚雖  
置重典亦不足以蔽其辜今蒙

皇上天恩恐臣不自省惕仍蹈錮習諄諄

訓誡不啻慈父之教誨赤子身非草木應知感奮況臣

家本寒微向從節儉所有

賞給養廉儘足用度何敢稍存不肖之念如資性利鈍

則限於天分辨別物理則限於學問至於操守實

能一心主之臣賦性旣屬愚鈍辦事又多未諳若

復不能潔己奉公以蹈貪贓枉法之轍乞

皇上立置重典以爲負

恩忝職之戒謹將奉到

硃批原摺另封恭繳謹

非言之難而行之爲難也朕前諭甚明今於三人中止將佛喜所奏一二事發來爾看令朕覽此數行空文遂深信其心行可乎

雍正七年八月十二日貴州布政使臣鄂彌達謹奏爲恭謝

天恩事竊臣承准戶部照會議覆臣具奏京局所需鉛筋動支黔庫捐納銀兩買運至漢口交商人轉運可節繁費一摺部議以事屬難行不便更張具

題奉

旨依議戶部所奏甚爲明當鄂彌達現爲貴州布政使於地方事務必將原委利弊確查明白方可陳奏豈風聞言事者可比今乃以偏私之見遽欲更改成例冒昧瀆陳甚屬不合著嚴飭行欽此照會到黔欽遵在案臣跪讀之下不勝惶恐愧悔交集實緣臣初任外吏見事多疎因思黔省產鉛甚多商人買運費繁欲節省錢糧起見未及詳查原委一時冒昧瀆陳蒙

皇上天恩不卽交部重處諭令飭行聞

命自天感激無地臣嗣後凡於一切事件惟有虛衷詳

慎不敢偏執已見以仰副

聖主訓誡之洪恩所有感激微忱理合具摺恭

謝伏乞

皇上睿鑒謹

奏

常時返省確知己係庸平材質則將日有進益稍若自以爲是一涉盈滿驕矜豈止謬誤一事二事而已哉

同日又

奏爲恭繳

硃批原摺事竊臣具奏欽奉

聖訓事一摺奉到

硃批非言之難而行之爲難也朕前諭甚明今於三人中止將佛喜所奏一二事發來爾看令朕覽此數行空文遂信其心行可乎欽此伏念

上天不可欺

主恩不可負神明鑒察形影相隨欺罔狡詐未有不敗露者臣雖至愚亦知自省惟當恪遵

訓旨卽以佛喜之言行相違爲終身炯戒時時警惕竭

盡駑駘斷不敢飾空文而忘實行以期仰報

聖恩於萬一合將奉到

硃批諭旨

上

十一

鄂彌達

硃批原摺二扣并佛喜奏摺二扣另封恭繳爲此謹  
奏

果能存誠務實終身堅守不移

上天必不汝負也

雍正八年正月二十四日貴州布政使臣鄂彌達  
謹

奏爲社倉請專委任以明勸懲以收實效事竊查建  
立社倉勸民捐穀以備荒歉令官吏不得過問聽  
民自便雖有不肖官吏書役欲上下其手實無從  
而施其伎倆法至善也第百姓愚昧恐奉行日久

視爲泛常秋成所捐之穀青黃不接之時仍舊自  
用如遇稽查虛捏甘結掩飾一時司倉者向來止  
取家道殷實之人令其掌管名雖禁其出入不公  
竝未立有考成人遂不知懲勸且司其事者俱係  
鄉閭之人任其虛捏漫無稽查臣再四籌畫若主  
之於官難杜胥役擾累之弊若聽之於民又多虛  
捏惟有捐積之事聽之於民而稽查勸懲之方委  
人專任方有實濟請於每州縣分東西南北四鄉  
鄉擇適中之地建立倉社十戶立一甲長五十戶  
立一社長司倉者令地方官於本地候補候選及

考職州同州判以上人員內秉公選擇品行端方者四員每倉著一員總理稽查勸懲諭捐積將現在之穀併續捐之穀登簿申報地方官轉報上司存案青黃不接之際願借者由甲長上之社長社長率本人向司倉之人交票司倉者驗實登簿發給俟秋成加息完倉如逢小歉照例免息年底令地方官上倉稽查取結加印申報上司如有虧空奉行不力之處卽行揭報

題叅倘地方官不行揭報經上司查出將地方官照扶同徇隱例分賠如三年內勸捐積多收放公慎

許地方官申詳督撫核實具  
題候選考職者卽行錄用應選應補者加陞一級以示獎勸如此則委任專而積貯實似於社倉不無裨益是否有當伏乞

皇上睿鑒謹

奏

如此則社倉之良法壞盡矣據奏年底令地方官稽查出結申報上司立定考成是所謂官倉何名民社耶若照所奏必遇百姓真實愛戴如父母之賢有司方可否則徒增無限弊端於事何濟之有所見甚屬悖謬

雍正八年七月初七日貴州布政使今陞廣東巡撫臣鄂彌達謹

奏爲敬陳管見仰祈

睿鑒事竊照古州一帶地方向爲生苗盤踞未通聲教今蒙

皇上德威遠播指示方畧督臣鄂爾泰調度得宜俱已嚮化其安營設汛築城開河將已就緒惟是苗性反覆不常一切善後事宜實屬要務不得不急爲籌畫者也查古州清江水江等處新闢苗地甚是遼濶苗種戶口不下數十餘萬今古州清江丹江都

勻黃施來牛各鎮協營兵丁合計舊撥新設共九千九百名尚恐地廣苗衆不足以資彈壓倘遇有事除去防設塘汛守城再分布進剿防遏黨援之游兵則恐現在之數不敷分用臣之愚見請於古州都勻丹江清江四處各添兵一千名以資調遣俟三五年後苗猥感化已深帖然無事然後再議酌減至添兵後兵糧更屬急需查通省新舊兵丁共二萬九千六百四十三名每年需糧一十萬六千七百一十四石八斗額徵秋糧共一十一萬六千八百一十石有奇內附近各營可以設法輓運



支領本色者只有六萬三千七百餘石僅足半年之糧其餘離營寫遠難以輓運若盡行折價則新設苗疆糴買維艱如令百姓每年遠運軍營不特有妨農業恐致滋擾若令附近州縣改銀徵米難免周章且統計每年額徵之數則新舊兵丁與現請添設四千名之兵糧尚不敷支給臣再四思維查湖南乃產米之處而辰州府所屬之沅州與黔屬玉屏縣聯界附近軍營至貴州省城僅止八百一十五里至湖南省城則一千五百八十里較其遠近相去一半況今清江一帶河道開通自沅抵

黔水路往來尤爲便利仰懇

聖恩准將沅州割歸黔省管轄所有該州每歲額徵秋糧用船直運清江都勻丹江等協營存貯就近支給至於都江河道現在開通舟楫直達粵西柳慶二府查二府屬近水州縣歷年支放餘剩改貯之穀甚多若令古州按季遣員赴粵西近水州縣支領接濟不特輓運省力而在黔無馱載之苦在粵免紅朽之患殊爲一舉兩得又查古州八萬苗地出產樹木棉花白蠟等項向緣河道不通生苗阻截以故商販稀少且黔地素不產鹽日用皆藉川

淮鹽斤價值甚貴爰是苗民多有食淡兼之布帛鮮有今河路疏鑿開闢已廣正可乘時利民如蒙俞允將沅州歸黔則運米之回空船隻卽載苗地之出產貨物帶往湖廣江浙各處發賣賣完之日卽載淮鹽紬布赴黔販賣如此往來運售交相濟用不數年間苗人與客商交易知獲厚利則謀生之苗猥漸化爲守法之良民地方官員再加以隨時撫綏則瘠薄之邊方將變爲富饒之樂土矣再查四川重慶府所轄之酉陽司并所屬之邑梅平茶石耶地把等土司離府十八站離黔屬之思南府僅

止五站地界相連因離川省寫遠鞭長莫及以致該土司等匿犯藏姦橫行不法且其地方遼濶土脈肥沃每有銅仁等府貧窘百姓在彼開墾生理完納土司租賦稍不遂意百般凌虐考之黔志思南府屬之甫南圖地方久被該土司占去似此侵課害民亟宜鈐束清理應請將酉陽等司就近割歸黔省管轄如有應墾地土卽給照附近窮民令其前往照雲貴開墾事例自行開墾并該土司田土一併查明照例納賦以資糧餉如此非特該土司等得以就近約束不敢滋事而於

國計民生均有裨益矣臣確訪苗情審度形勢故敢直陳管見是否有當伏乞

皇上睿鑒施行謹

奏

鄂爾泰悉心詳議奏聞候朕裁奪

雍正八年九月初六日新任廣東巡撫臣鄂彌達謹

奏為恭報微臣起程日期仰祈

睿鑒事竊臣荷蒙

聖恩補授廣東巡撫接准部文已經繕摺奏謝

天恩恭請

陛見候

旨遵行嗣緣調任布政使張允隨在滇交代未能卽赴新任奉督臣鄂爾泰委令糧驛道署理藩篆臣卽於雍正八年七月二十七日將布政司印信委員齎送糧驛道王廷琬查收署理并將臣任內經手一切錢糧逐一交代明白聽候查明出結詳報外查廣東乃沿海要地關係重大聞

命以來日夜恐懼因思督臣鄂爾泰公忠為國識見深遠又聞伊抱病臣向在黔藩任內凡大小事務無

不承督臣剴切指示今署司查核交代冊籍尚需時日臣隨星赴滇省請商海疆一切要務自臣到滇督臣病已全愈諸凡事宜承督臣諄諄開導明白講論受益實多臣卽回黔於九月初六日起程赴粵東新任訖再臣自黔起程至滇沿路禾稻暢茂碩大堅實問諸民苗僉云數十年未有如此豐盛臣目睹豐亨景象不勝踴躍歡忭之至合併奏

聞謹

奏

覽奏知道了當夙夜省察竭力黽勉照鄂爾泰之居心

以居心效鄂爾泰之行事以行事則將來必不虛負朕期望委任之恩也勉之勉之

雍正九年正月十二日廣東巡撫臣鄂彌達謹

奏爲奏

聞事竊臣荷蒙

聖恩巡撫粵東已將入境到任日期具疏

題報在案臣仰體

聖主軫念民生至意於湖南廣西經由地方訪問湖南今歲春間覺雨水過多而秋成倍於往年廣西亦屬豐收米價甚平臣抵任後行查粵東秋收據布

政使彙報各屬收成八九十分不等米價每石四錢五六分起至六錢七分不等年登大有萬民熙皞臣睹此昇平景象不勝懽忭之至惟勤宣聖天子保赤之深仁使海疆黎庶返醇歸樸共樂聖世以仰副

皇上愛養元元之

聖心臣謹繕摺奏

聞謹

奏

覽奏俱悉爾初抵任卽值歲熟米賤之時原屬可慶然

當倍加寅畏不可少有肆志

雍正九年二月初十日廣東巡撫臣鄂彌達謹

奏爲敬陳粵省情形仰祈

睿鑒事竊查粵東山海交錯素多盜匪或嘯聚山谷或勾連蛋艇人少則暮夜偷竊人多則白晝劫搶甚至百十成羣私挖山礦一經官弁查拏輒行拒捕致傷兵役其有嗜利惡徒爭攘私礦竟成仇敵命盜多由此起從前各官因循故習凡遇案件半多諱匿半由外結因而法令廢弛風俗日壞種種積習難以枚舉臣於抵任後一面與文武諸臣和衷

辦理嚴飭地方有司協力整頓每於親審案件內核其情罪可惡者卽痛加懲處事事執法究擬近見若輩稍有畏懼又查廣東地方土豪惡棍在在皆有若不將尤甚者重懲儆衆餘惡仍然玩法而罹重罪者反多今訪有潮陽縣惡棍蘇阿武東安縣惡棍嚴選乳源縣惡棍葉聯芳并其子葉清誠惠來縣惡棍黃高飛家藏軍器窩匿盜賊欺壓良懦動輒殺人姦淫詐僞無惡不作葉聯芳黃高飛現今拏獲發審其蘇阿武嚴選二犯現在密拏但弋獲到案若待提齊受害質證則由縣府司到臣

輾轉審解未免耽延歲月況伊等積惡數十年黨羽數百人受累者不啻千百家若輾轉質解受害之民拖累甚衆且恐疎脫臣愚以爲此等豪棍人切齒一經審明卽應提至市曹杖斃示衆庶不法之徒聞風斂迹卽受害者之冤抑亦得早伸矣再臣思凡事必當探本窮源源清則流自潔粵東無產無業之民甚多查高雷廉等府地廣人稀必須設法調劑使其衣食有藉方望風俗還醇臣現在飭查實在荒地水利竝保甲練總等項俟查明確實將如何料理之處悉心妥議另

奏外所有地方情形合先具摺奏

聞伏乞

皇上睿鑒批示遵行謹

奏

訪拏豪惡最尤者懲一警百固屬善舉但一經審明卽提至市曹杖斃示衆之論當極加詳慎恐該有司未必盡屬公明其中倘有錯誤或致冤抑所關豈淺鮮哉

雍正九年三月二十二日廣東巡撫臣鄂彌達謹

奏爲請定保甲練總功過以期盜息民安事竊照弭盜之法保甲最善臣到任後飭令各屬印官親身

編點有地方遼濶者卽於

命往試用人員遴委辦理漸將告竣然保甲旣清而村

長保正練總三項尤爲保甲之要查從前村長惟

論年齒保正則按年輪當練總則閒漢充數迨後

地方有司凡遇勾攝人犯來往公務以及護送均

於保正練總是累遂視爲苦役各皆告退卽有存

名亦皆無賴包當日求有事而已臣查粵屬各鄉

有大姓小姓之分大姓則戶口數千餘丁小姓乃

雜姓附居遇事惟大姓是聽今擬以大姓戶內擇

言行公正之貢監立爲鄉長令其稽查本家以及

附居雜姓隨時勸令務本力農不得遊手好閒倘有違犯許卽稟明地方官就近查究擬將役滿考職在籍候選之吏員遴當保正使之盤詰匪類擅伏指姦倘有滋事許地方官不時申究再就於武生鄉勇中擇有力而嫻武藝者以充練總無事則巡邏防範有事則協力救援倘有偷安多事許保正就近稟究若不立以功過予以勸懲恐任事不力擬於三年之內一鄉之中地方寧謐無出境爲非者鄉長貢生咨部以教職卽選監生已考職者卽以應選之職銜卽用其未考職者給以八品頂

帶以示鼓勵保正查其考職年分咨請先用練總補伍食糧遇有外委把總缺出選擇挨補如三年之內有藏姦納匪犯案一次者鄉長保正練總各行記過至有三犯鄉長革去貢監保正革去職銜練總責革一切往來公務永禁不得濫役如地方官因循庇護縱姦殃民查確糾叅庶責有攸歸法無寬縱而盜風或得以少息矣爲此具摺陳

奏伏乞

皇上睿鑒施行謹

奏



此奏甚不合宜其乖謬處曷勝批諭

雍正九年七月十五日廣東巡撫臣鄂彌達謹

奏爲奏

聞事竊查硫磺一項乃配造火藥所必需前據洋行商人陳崇義赴布政司呈報大西洋部多牙國夷商榮貽觀來廣東粵門生理住家發夾板船往呂宋國貿易順便帶買硫磺約八百擔裝回粵門今知例禁向商人求議每擔價銀四兩伍錢情願易換水礮等情經司議詳准其照價易換前來臣查硫磺係違禁之物不便聽夷商自行變賣再查貴州

運粵水礮原係變售抵帑之項今易磺變價事出兩便且本省旗標各營現需製造常存火藥所需磺斤已經督臣郝玉麟具

題委員在於仁化地方設爐煎熬今既有此項磺斤自應留用將仁化縣設爐煎熬之處停止如此一轉移間不特無採辦之煩亦免匪類潛藏致生事端之慮臣卽批司准行在案又恐該夷商將磺斤販賣外國隨與布政司商酌卽面詢該夷商呂宋每年所出磺斤之多寡據稱約畧不下有數萬餘斤當卽諭令將所出硫磺切勿賣與外國年年運

至粵省內地通知洋商具稟藩司動支司庫公項銀兩收買或爾等需用他物照爾等所用給發該夷商歡忻踴躍而去嗣後每年所買磺斤除粵東應用外餘磺存貯行內知會隣近各省令委員赴粵採買將價歸還原項以免販賣外國之弊事關夷商帶運違禁之物理合具摺奏

聞伏乞

皇上睿鑒謹

奏

如此權宜通變甚是

同日又奏稱無代番縣清計命錄蘇丹氣前附者奏爲奏會同此大官查閱收計川木等項計

聞事竊查粵東余歲自春徂夏雨暘時若早稻豐收晚禾播種山區海甸咸歌大有詎五六月間霉雨連朝潦水陡漲據肇屬之四會縣報稱該縣屬內大小圍基皆屬穩固惟大興一圍係頂溜之處舊有石竇一座於六月初三日潦水驟至漫溢圍頂衝動竇石卸開竇傍圍基近圍田畝魚塘被水浸溢等情臣聞報卽飛飭肇羅道張渠支領司庫公項銀兩購備木石赴大興圍相度情形星夜搶修

面委員協同地方官查勘撫恤又據雷屬之遂溪縣報稱五月十三日大雨晝夜縣屬低窪田禾間被浸溢民房亦有傾倒又據廣屬之增城縣報稱六月十二三等日大雨至十四日由水漲發當水房屋多有傾倒低窪處所田禾被淹又據惠屬之長寧縣報稱六月十三日風雨徹夜溪水陡發城外當山水衝溜處草房倒塌者多人口俱皆安全各等因具報前來臣俱委員給銀令其齋往被水等處會同地方官分頭查勘如有田禾浸淹者飭令設法疏濬無力播種者借給穀種民房衝倒者

查明無力窮民酌給修葺完好毋致失所現在據報水已退消民皆安業恐厯

聖懷合將緣由繕摺奏

聞謹

奏

皆緣平日不行預備臨時又不慎防以致如此亟當勘明已衝者力督搶修被淹者加意撫卹可也

雍正九年八月二十四日廣東巡撫臣鄂彌達謹

奏為奏

聞事竊惟粵東風俗澆漓向多貪詐近來仰賴

殊批諭旨

上

五

鄂彌達

皇上德化漸摩淪肌浹髓海隅蒼生皆已感格卽甲冑之士亦能見利思義如右翼鎮標右營辭糧兵丁高洪才者雍正八年十一月初十日早有江西窰匠遺一布袋在韶州府南門河邊適高洪才渡河見而拾取開視內貯銀一十一包共重九十一兩五錢當有民人潘得用在彼浣衣見拾維時洪才拾金不昧隨卽邀同得用往浼關帝廟僧人翠雲書寫招帖遍訪原主比原主慌忙尋覓洪才核對銀數相符卽將原銀給還絲毫不染雖爾時洪才僅詢知其爲江西窰匠不復問其姓名但拾銀之

後有書寫招帖之僧人翠雲已屬確證且伊從前曾拾銀三次皆給還原主金有等收明鑿鑿觀其平日之廉潔則今日之還銀自非虛捏據布政司詳據縣府轉據士民舉報前來臣隨給匾額表揚并通行闔屬曉示使人人則效處處觀摩仍飭該縣立碑傳後以示鼓勵外臣不敢壅於上聞謹會同督臣郝玉麟合詞具

奏伏乞

皇上睿鑒謹

奏

硃批諭旨

上

三

鄂彌達

該部議奏

同日又

奏爲奏

聞事竊臣猥以菲材荷蒙

皇上隆恩簡畀封疆重寄莅任以來無時不仰體

聖心以察吏安民爲念今查按察使黃文煒居心坦白

辦事勤謹人尚明晰操守亦好糧驛道陶正中辦

事謹飭才具亦優廣南韶連道李可淳人尚明白

辦事小心但稍欠淳樸肇羅道張渠才具優長辦

事勤謹再加歷練卽成有用之才高雷廉道毛世

榮謹飭吏治尚欠熟練惠潮道劉運鮒爲人老實

才具平常吏治甚屬不諳不宜外任海南道王璠

謹慎安靜足供厥職鹽法道馮元方辦事勤謹才

亦可觀尚堪供職廣州府知府吳騫才具明敏辦

事歷練韶州府知府陳鴻熙才具明敏辦事勤慎

肇慶府以同知銜管知府事劉正遠爲人老實才

具平常勉強供職潮州府知府胡恂敏捷練達實

係幹員高州府知府張兆鳳爲人誠實辦事勤慎

雷州府知府葉思華才具平常辦事尚勤廉州府

知府劉夢正小心謹慎尚能供職瓊州府知府宗

思聖才具頗優操守亦好惠州府知府吳簡民南  
雄府知府潘思渠看來人俱明白到任未久尚須  
試看直隸羅定州知州王植人尚直樸但辦事少  
欠歷練連州知州陶德燾人尚明晰辦事謹慎理  
藩同知龐嶼才具優長實係能員潮州府同知龍  
爲霖實心辦事不避繁難實屬幹濟之員南海縣  
知縣劉庶才具明晰操守廉潔辦事歷練署乳源  
縣事州同應陞王元樞爲人耿直頗有膽氣奮力  
辦事才具亦優臣查官員之賢否關乎民生之休  
戚謹將聞見最確之各員出具考語先爲奏請實

聞其餘各員臣察試續陳伏乞

皇上睿鑒謹

奏

汝旣非明敏出衆之資又未具有超卓之見甫經到任  
席尚未暖何能將如許屬員一一俱已聞見最確耶此  
奏殊屬草率輕忽亦可謂不自量無恥之至

同日又

奏爲請

旨事竊臣到任後查閱臣標所屬左右兩營兵丁技藝  
生疎且多疲弱甚至甲械舊壞不全隊伍亦不整

齊臣遂逢三八日期親督操演竭力整頓諄切告  
誠立以賞罰其老弱不堪者革糧另募有軍械不  
備者臣卽捐給陸續添補目下隊伍技械稍有可  
觀惟是營中公費無藉恐日久仍至闕茸查粵東  
各營每兵百名俱留糧三分以充公用故營中一  
切公務得以有恃惟撫標從前未經議及是以公  
事多有掣肘而兵丁需用軍械遂不克及時整理  
今臣仰體

聖恩一視同仁請照各營之例每兵百名存留三分充  
公收貯中軍衙門遇有修補甲械之時動支料理

每年報與核銷庶公用有資而軍威整肅其於沿  
海行伍大有裨益矣臣未敢擅便伏乞

皇上睿鑒批示遵行謹

奏

當仿照各省撫標成例而行

雍正九年九月初六日廣東巡撫臣鄂彌達謹

奏爲奏

聞事竊照粵東地方環山濱海民猺雜處所有韶州府  
屬之曲江英德樂昌乳源四縣界內有一種猺人  
盤踞其中約計人數不過千丁多係貧窘怠惰不

勤耕種者偶或飢寒卽出爲匪其柳坑水源宮二坑尤甚前經該地方各官稟請增設營汛控制臣思增設營汛如人少則不足以控制彈壓多則日久不無擾累滋事因查英德縣所轄各徭自明季設立黎陳二姓徭目以來衆徭有所統屬至今帖然不敢爲匪向使柳坑水源宮二處亦皆設立徭目時加約束則自不敢肆行爲匪遂與兩司酌議設立徭目約束卽於柳坑水源宮二徭之中擇其強幹誠實而向無過犯者二名給以徭目劄付每月再賞銀三兩令其管轄徭衆卽令徭目將各坑

徭人編定丁戶每五十戶立一甲長甲長每月給銀五錢使其分管各徭按戶稽查徭目徭甲每月一次到縣當堂支領工食所給銀兩應於公項內動支如一年之內所管徭人無盜竊者除給工食外仍行給賞花紅以示鼓勵倘有盜竊之案發覺責令徭目緝拏如或徇隱捏報經兵役拏獲者則將該徭目并徭甲一并分別究處再徭山一帶荒土甚多向因乏本耕作以致曠廢應令該地方官查明借給牛種責令徭目徭甲等督令盡力開墾各安生理再將



聖諭廣訓一十六條及強竊搶奪竝窩主各條內緊要律例摘敘簡明語句分刊二本發給徭目徭甲等朔望宣講化導使既知

朝廷之法不可干犯又令其衣食有所資藉則各徭自可帖然矣爲此繕摺具

奏伏乞

皇上睿鑒謹

奏

此事在汝等督撫斟酌合宜而爲之觀所料理似屬允當

聖諭雍正九年十月二十五日廣東巡撫趙鄂彌達謹奏爲欽遵

聖諭實力奉行事雍正九年八月初十日據新任布政使臣楊永斌至臣內署密交

諭旨一道臣跪讀之下仰見

皇上指示周詳凡屬臣工優劣皆在聖明洞鑒之中查方願瑛秉性姦邪存心狡詐身爲大吏受

國深恩乃不思報效端以沽取虛名阻撓實政致使文武各立一途不相和協臣未到任之先固已聞

知而到任之後細加察訪皆因文武官弁遇事各執己見總不面為商酌遂致心生疑忌不克和衷辦公臣俱諄切訓飭文武各員務須同心共濟不得彼此參商至於粵東邊海巖疆盜風甚熾人多嗜利輕生臣荷蒙 上 聖恩委任封疆敢不悉心開導立法勸懲冀其革面革心共為

盛世良民所有居心行事如雲貴督臣鄂爾泰者實屬封疆師範臣時深效法惟恐不逮今奉到

聖諭如耳提面命俾臣知所遵循得與布政使臣楊永

斌同心協贊實力整頓務使文武和衷盜息民安以圖仰報

天恩於萬一理合繕摺

奏覆伏乞

皇上睿鑒謹

奏

覽奏知道了但以言行相符為務

同日又

奏為恭報粵東秋收分數仰祈

睿鑒事竊照粵東地方一年兩次耕穫民多力穡今歲

夏間已獲豐收茲據布政司將各屬收成分數彙報前來查廣州南雄韶州惠州潮州肇慶高州雷州廉州瓊州十府竝羅連二州及各所屬收成俱有六七八九十分不等再各屬米價每石自五錢四分至七錢不等今新米上市價值自必漸減家給人足戶慶盈寧所有各屬收成細數臣謹另繕清摺恭呈

御覽伏乞

皇上睿鑒謹

奏

粵東秋成分數以手加額覽焉

雍正十年正月十六日廣東巡撫臣鄂彌達謹

奏為奏

聞事竊照陳美倫會合二犯散割聚眾謀為不法業經拏獲訊供經臣等兩次會

奏在案所有陳美倫供出之夥黨羅京相等犯以及覆行嚴訊會合供出同黨住居西省之錢珍等犯及住居本省之溫崇新等犯臣即選差員弁幹役分路飛往密拏竝密札廣西撫臣轉飭該地文武官弁協拏去後今據臣標外委把總黃雲龍把總

李秉鈞李育外委千總鄔連等陸續拏獲梁其芬  
錢珍植直寶陳夢吉吳惠陳夢濟陸始賓梁其珍  
鄧洪佩梁文廷植瓊玖植滄洲等犯并在錢珍家  
內起獲天寶年號偽劄五張又於林王茂家窩藏  
之竹箱內搜獲旗印詩扇等物并拏獲本省之溫  
崇新溫殿彩游挺仙梁亞十李燦章等犯臣卽帶  
至內署吊并曾合等犯與司道密行嚴訊其大逆  
不法之處已據各犯直認不諱至詰其天寶年號  
劄付來歷則據錢珍等供出梁二恭胡百千知道  
等語臣卽委員弁密拏務獲究擬外正在繕摺間

據委員左興稟稱於西省蒼梧縣地方會同地方  
官拏獲陳彥清又在平南縣地方拏獲羅京相羅  
君秀之子羅亞廣韋朝明龔洪潘才潘清歐石福  
郭上清李滿并在潯州府拏獲楊法倫黃泗廻等  
稟報前來臣卽差員前赴平南縣迅提已獲一千  
人犯來東質審俟解到另行審明奏  
聞外其未獲陳漢等犯仍嚴飭委員多方密拏務獲解  
究爲此先行具摺奏

聞并將先獲各犯口供及起獲印劄另封進  
呈伏乞

皇上睿鑒謹

奏

拏獲各犯甚屬可嘉所差委員弁當厚加賞擢以示獎勵此案須徹底嚴究務盡根株不可少涉畏愞率忽致有疎漏

同日又

奏為奏

聞事竊查粵東潮州一府與福建江西連界兵民雜處人烟輳集米穀最為緊要因去歲豐收之後隣省赴潮糴買者多恐今歲三四月間青黃不接米價

稍昂亦未可定不得不預為綢繆之計查廣西梧州府穀價現在甚平每石價值三錢餘臣與司道等官詳議委員前往梧州採買二三萬石存貯廣州府倉如三四月間潮州府屬米價昂貴即將潮州原貯倉穀量加出糶接濟民食以平市價卽以此項買貯穀石舟運至潮補倉如潮屬價平而省城米價稍昂卽將此項穀石在省減價平糶歸補原項一轉移間則米價常平於民生甚有裨益但查藩庫錢糧並無閒款可動惟太平關有自雍正九年五月起至十一月止收過羨餘銀三萬六千



自知悔罪願其立限送還臣察其情詞懇切卽宣諭  
皇上聖德竝示以寬大放歸本國茲該番安多牛等挈  
碧桃附搭夷商洋船於十月十九日回至省城據  
洋行商人稟縣轉報到臣卽令該縣隨傳碧桃  
親父認明領回伏查將人口出境下海例禁森嚴  
但安多牛等自呂宋越海重譯遠來前因一時愚  
昧不知例禁價買碧桃歸國嗣經訪查卽改過悔  
罪立限送還臣仰體  
聖主柔遠鴻慈暫將該番安多牛等保候可否念其外

夷無知誤犯旋即悔悟尅日送回

恩准將安多牛方濟各二犯從寬省釋其經手之林興  
觀等飭司究擬發落臣未敢擅便伏乞

皇上睿鑒批示遵行謹

奏

既知悔罪送還自應寬宥將安多牛方濟各二犯卽省  
釋遣回本國以示懷柔遠人之義

雍正十年二月十八日廣東巡撫臣鄂彌達謹

奏爲恭繳

硃批原摺事竊臣於雍正九年十月內具摺

硃批諭旨

上

尾

鄂彌達

奏覆文武和衷緣由奉

硃批覽奏知道了但以言行相符爲務欽此臣惟凜遵  
聖諭不敢徒託空言務期見諸實行仰副  
皇上諄諄訓誨之

聖心所有歷次奉到

硃批原摺理合另封恭繳謹

奏

覽

今命爾署理總督事務更當加勉以期毋負朕委任之  
意

雍正十年三月十九日廣東總督臣郝玉麟廣東

巡撫臣鄂彌達謹

奏爲奏

聞事竊照粵東地方去歲冬底雨雪優渥二麥豐茂現  
今俱已收穫自入春以來雨水十分霑足早晚二  
稻陸續栽蒔將竣禾苗秀茂仰荷

皇上敬

天勤民休祥協應將來豐稔可期所屬府州縣內間有米

價稍昂者亦飭將存倉穀石照存七糶三之例減  
價平糶秋收買補還倉現今米價俱平自五錢以



至一兩不等瓜茄菜蔬俱皆肥大臣等恐厯

聖懷理合繕摺奏

聞伏祈

皇上睿鑒謹

奏

覽粵東雨水情形朕懷深慰

同日又

奏為遵

旨覆奏事竊照廣東肇慶府陽春縣蓮塘寨地方賊衆乘夜打劫居民嚴謙光嚴涵光等家一案於雍正

九年十月十六日奉有

上諭一道臣等遵查雍正八年十月二十八日夜陽春

縣民人嚴謙光嚴涵光等家被劫有賊七十餘徒

一節查當日新興石窩汛把總王進賢原報開有

賊七十餘徒旋據該縣詳報被劫情形及當時追

獲李有德訊據供開夥黨一十三人竝無七十餘

徒之多臣等彼時亦曾風聞恐有減報盜數情弊

一面密加確訪一面飭司親提事主盜犯解省細

審嗣據該縣續獲事主已逐舊僕為首糾劫之林

日章等到案僉供同黨實止一十三人合之先獲

李有德初供無異業經臣郝玉麟敘入疎防案內  
題叅在案迨將事主盜犯提至省城經按察使黃文  
煒親訊亦與縣報初供脗合嗣又據署電白縣稟  
稱因觀風院亦有風聞令其訪查伊卽屢次密遣  
親信之人至事主前後左右細加探問盜數實止  
六十餘徒似無減報盜數情弊又盜夥帶有藤牌  
鎗刀等械逞兇拒捕一節查此案現據臬司招解  
經臣等提犯會審據各犯堅供實止攜帶扁挑木  
棍竝無藤牌鎗刀等械其當時被獲之李有德因  
脚撞傷疼痛落後是以被鄉民等拏獲各犯早已

爭先免脫何敢逞兇拒捕等語查李有德係鄉民  
拏獲交黃泥灣汛把總姚昇因當日係百總盤天  
揚之父盤子盛同鄉人追趕遂捏爲弁兵追獲但  
該犯旣先被鄉人擒拏則無拒捕之處甚明又事  
主單開贓物等件約計銀一千餘兩該縣指爲謊  
報反將事主掌嘴一節臣等面訊該署縣王博厚  
據稱實因訊供時謙光自恃府書語言頂撞掌嘴  
數下是實竝無勒令事主改供情弊隨查失單所  
開贓物確估僅止值銀數十金并據接任知縣王  
元樞再三查訊事主所供贓物俱與單開數目符

合則該署縣似無諱飾抑勒情事今奉到  
上諭臣等逐一會鞫密加細察與前情無異再查此案  
盜夥十三人已經拏獲十名現在另疏具單  
題其未獲李色國李唐長張耀富三名飛飭選差幹  
捕分頭上緊緝拏務獲究擬勿使漏網以仰副  
皇上靖盜安民之至意所有查明原委理合據實  
奏覆伏乞

睿鑒謹  
奏  
覽奏知道了然朕於此案究不能無疑李

廣東巡撫臣鄂彌達謹

奏為請改州縣轄屬以便吏治民生事竊照粵東惠

州府轄屬十二州縣潮州府轄屬十一州縣廣表  
千數百里而兩郡城皆處海濱沿海鎮協營縣布  
置周密惟北路山中千餘里獨為空虛程鄉長樂  
等縣乃汀贛惠潮來往要衝匪類潛滋之處竝無  
大員彈壓且距府寫遠吏治民生多有未便查惠  
屬之興寧長樂二縣乃在藍關以東水分東流似  
乎天生形勝已不屬惠而自府城至二縣六七百  
里挽舟逆流踰山度嶺又買舟順流而下計程十

有餘日考試詞訟命盜訊駁往返維艱官民皆苦勞費此二縣之宜籌畫者也潮屬之程鄉平遠鎮平三縣俱在蓬萊灘以北自府城至三縣計程有六七日民庶山深刁蠻健訟潮郡煩劇非常卽不須三縣僅有海陽潮陽等八邑已極難治郡守日夜辦理尚恐精力不周此三縣之宜籌畫者也臣思程鄉平鎮興長五縣聚居一處東控閩汀西界藍關南阻萬山北遏江贛天然自一提封不必遠屬惠潮而惠潮東北千餘里寥濶空虛似宜另設直隸州統轄之考程鄉一縣在宋爲梅州地居興

長平鎮適中四縣路程皆一二日可至以臣愚見應將程鄉改縣爲州恭請

皇上欽定佳名設直隸知州一員統轄興寧長樂平遠鎮平四縣改教諭爲學正改典史爲吏目不必有增官置吏之勞一轉移間於五邑吏治民生大有裨益而惠潮兩府亦不致有鞭長莫及之虞矣臣又思程鄉地處衝要向以千總駐防殊覺太疎今若改爲直隸州則應將駐劄平遠縣之平鎮營遊擊移駐新州以潮陽營之守備移防平遠縣並將興寧守備原係惠協分防一併就近改屬州營統

轄以一事權庶無呼應不靈之患可以綏靖地方  
遠近享救寧之福矣再查程鄉文風極盛而歲科  
取進生員僅同中學十五名殊未相稱今若改爲  
州學應請

皇恩加廣進泮名額以宏鼓勵臣爲嶺東遼濶治理事  
宜起見未敢擅便合先具摺請旨伏乞  
旨倘蒙

皇上俞允臣卽會同督臣繕疏具  
題伏乞

睿鑒謹

奏

潮屬程鄉以縣改州之處與署撫楊永斌再加詳議如  
意見相同會疏題請

雍正十年四月十六日署理廣東總督臣鄂彌達

奏爲恭請

聖訓事竊臣以菲才荷蒙

聖恩超擢昇以封疆重寄莅任年餘涓埃未報茲復奉

恩綸命臣署理總督印務聞

命之下益深感激悚惶伏思總督統轄全省文武兼理

命之兩粵，齟齬政臣自揣庸愚，何能膺此重任。惟有實心實力，保固地方，整飭營伍，一切辦理諸事務，必矢慎矢公，不敢一毫欺誑，亦不敢瞻徇情面，稍涉沽名。但慮智識短淺，未必有當。顧此海疆要地，不能面聆

聖訓，恐滋隕越，仰懇

皇上恩賜訓示，俾臣得有遵守，裨益封疆。從此地方官弁兵民，亦共沐

聖德於靡涯矣。謹

奏

覽奏已悉。督撫職守封疆，俱屬一體。但能勉勵公誠，何慮不克勝任耶。

同日又

奏為奏

聞事竊照總督駐劄肇慶，原因向來兼轄兩廣，而肇郡介在東西兩粵之間，設立總督衙門，居中控制兩省之事，俱得就近料理。誠為因地制宜。今粵西一省已歸雲貴總督統轄，而粵東一省形勢廣州實為適中之地。茲臣欽奉

恩命署理總督印務，若沿舊例駐劄肇慶，則地處西偏

殊批諭旨

上

四

鄂彌達

恐於一省事務不克周知辦理隨查廣州府原有  
總督衙門自應駐劄在省則東西南北俱得就近  
節制甚屬便捷今臣接受督印之後現在起程赴  
肇考驗官兵稽查圍基海口等處事竣仍回省城  
駐劄居中控制彈壓官民且於巡撫觀風司道俱  
得朝夕咨商同心協辦於地方實有裨益臣仍不  
時往肇整理營伍考驗官兵謹繕摺奏

聞伏乞

皇上睿鑒謹

奏

好肇廣均屬粵地隨時變通酌量而行可也

雍正十年五月二十九日署理廣東總督臣鄂爾

達署理廣東巡撫臣楊永斌謹

奏為參奏事竊惟三運

萬年吉木乃係

欽工急需之物臣等敬謹選料委肇慶府同知陳起騏

等星夜催趲小心運送所到關津自應預清河道

一到開關護送無使稍有耽延詎有安徽省委管

蕪湖關務太平府知府李暉者據差員陳起騏等

稟稱上年十二月十三日督押三運楠木抵安慶

地方恐關津阻滯請有巡撫通關文照至十九日  
抵蕪湖關乃管關知府李暉驗閱文批不即放行  
縱容家人書役勒索掛號下艙小票掣批放關等  
項規禮又載長大木植之民船十隻勒加飯食  
火耗加秤等項以致阻滯稽延至正月初六日始  
得開行等因到臣等伏查

萬年吉木攸關緊要

欽工該府李暉何得一任家人書役勒索規禮恣意指  
延且有彼省撫臣程元章文照乃敢抗違不遵藐  
視

欽工似此玩縱之員難以緘默理應具本  
題參緣事屬隔省謹繕摺參  
奏伏乞

皇上睿鑒敕部嚴加議處以爲玩法誤公者戒爲此謹  
奏

該部嚴察議奏

署理廣東總督臣鄂彌達謹

奏爲請

旨事竊照廣州一府爲全省總會要區外接大洋逼處  
海濱各路營汛亟宜留心料理查東莞虎頭門一



路有水師副將新安遊擊等營汎過東來洋面之衝新會廣海寨一路有叅將遊擊等營汎過西來洋面之衝獨中間一帶防範實疎雖順德有左翼鎮總兵駐劄香山有副將駐劄而潭州黃梁都等數處海口宏開無藩籬之隔實爲兩腋要害揚帆直入可以徑抵省城似不可不爲籌畫者臣不揣迂愚於巡撫任內遣理瑤同知龐嶼帶同精細員弁登戶詳觀各岸口島澳廣狹險易可以容隱賊舟及賊素出沒之處往返數月始得其詳臣復親往海濱查勘的實所有廣州海洋口岸情形并添

設汎防撥兵築城建臺等事宜以及省城城外礮臺建置之地未得其宜應行更移添築之處臣謹備細繪圖粘標恭呈

御覽是否可行合先繕摺請

旨倘蒙

皇上俞允臣卽會疏具

題伏惟

睿鑒謹

奏

所奏甚屬周詳允當具疏題請可也至於抽撥兵弁如

可以通融足用卽照此辦理倘或不敷分派另議添設數百兵丁需費糧餉俱爲細務毋因省帑而致強勉從事

同日又

皇奏爲奏

聞事竊匪犯陳美倫曾合等糾黨謀逆一案經臣等將先獲與曾合同黨各犯研審確供備錄呈

奏在案續據差員署韶州府通判趙弘文提到先經委員左興施士超會同平南縣拏獲之羅京相等十名又經前督臣郝玉麟差千總劉國樑拏獲之

植普潤等四名又據臣差去把總李秉鈞理瑤同知書辦符名章拏獲之植普答等十一名西寧縣拏解之吳世友等二名差役郭子正祝漢章拏獲之劉奇勝等二名准廣西撫臣陸續咨解之楊法輪等十五名又准湖南撫臣咨解之唐奕清等二名又據臣差委把總李秉鈞東安縣武生朱權煥躡線拏獲散劄與錢珍等之要犯梁迪官卽梁二恭等二名臣俱帶入內署傳同司道弔竝先獲之陳美倫曾合等逐一研訊各供確鑿臣查曾合先於省城觀音山新會外海山等處謀爲不軌今復

各處煽惑欲於梧州起兵陳美倫傳唐奕清邪教  
鼓惑人心已二十餘年今復欲入朋化里搖山屯  
聚又欲令陳漢等屯聚於上下麥搖山接應二犯  
謀逆已久罪大惡極梁二恭散劄糾衆鄧志廣與  
陳美倫共謀不軌錢珍植瓊玖既受梁二恭偽劄  
復爲曾合糾黨羅京相陳漢歐石福植直寶劉二  
僂等聽信陳美倫曾合妖言轉相煽誘俱屬罪不  
容誅倘其勢已成則爲禍不小仰賴我

皇上天威洪福得以早爲敗露經兩省設計誘拏奮力  
跟緝渠魁俱已成擒黨羽漸次全獲臣等現在將

各犯分別情罪依律議擬

題請正法所有律應緣坐之家口咨行拏禁未獲之  
王瓊等遴委員弁分路跟緝務獲究擬審明無干  
之韋元珠等先行釋放以免拖累已故之余之貴  
等分別咨行各該地方官確查果否身死覆到另  
奪在事出力人員另行開明履歷勞績請

旨獎勵厚賞再查梁二恭一犯所供湖廣朱道人授與  
胡百興轉給之偽劄言詞悖逆情甚可惡臣愚以  
爲必有巨憨大姦爲之發縱指示乃胡百興已伏  
冥誅而朱道人尚未弋獲研訊兩月有餘始則再

三婉誘繼則疊加嚴刑該犯體無完膚所供矢口  
不易除現在再加窮究并密遣員弁前往湖廣地  
方分頭躡緝朱道人下落一面密札湖廣督撫諸  
臣轉飭地方官嚴拏務獲盡去根株不留遺孽外  
臣謹會同署撫臣楊永斌觀風整俗使臣焦祈年  
合詞先行繕摺奏

聞并將各犯口供備錄另封

進呈伏乞

皇上睿鑒謹

奏

覽奏各犯供情已悉具題到日有旨

同日又

奏爲遵

旨覆奏事竊照匪犯陳美倫曾合等糾衆謀逆一案先  
經臣等摺

奏奉

硃批拏獲各犯甚屬可嘉所差委員弁當厚加賞擢以  
示獎勵此案須徹底嚴究務盡根株不可少涉畏悞  
率忽致有疎漏欽此欽遵除臣等嚴究陳美倫等供

詞另摺奏

硃批諭旨

上

辛

鄂彌達

聞及理搖同知龐嶼等另摺

奏請

睿鑒外臣查在事出力之因公墜誤革職年滿千總施士超初由理搖同知龐嶼差委兼同督標千總劉國樑帶領兵役拏獲匪黨楊士元等繼又計擒首惡陳美倫等各犯勞績最著臣考驗該弁人材壯健弓馬可觀原係江西袁州協標年滿千總緣宜春縣民劉閑若窩賭畏罪投水自盡案內擬以威逼革職因與龐嶼有舊赴粵留伊幫緝可否准其開復留於臣標酌量

題補撫標外委把總黃雲龍拏獲首惡曾合等各犯甚為出力可否以臣標千總補用撫標把總李秉鈞拏獲惡犯梁二恭等并在錢珍家起獲偽劄五張亦著勤勞可否補授千總以示獎勵撫標把總李育外委千總鄔連均與黃雲龍等同行出力人材俱健弓馬可觀可否將李育補授千總鄔連拔補經制把總東安縣學武生何九星與施士超協力擒賊膽識頗優弓馬亦好可否以經制把總補用又武生朱權煥同把總李秉鈞躡線緝賊亦屬出力馬戰兵郭子正祝漢章張光祚梁朋光等跟

隨黃雲龍等協緝獲犯俱甚屬效力應與朱權煥  
竝拔補外委把總再有效力處拔補經制把總督  
標千總劉國樑初同施士超拏獲匪黨楊士元等  
四名繼復拏獲黨犯植普潤等三名亦有勤勞應  
照拏獲隣境夥盜七名例從優議敘差役周用等  
二十一名俱曾出力臣現在酌量每名賞銀二十  
兩以上在事出力人員臣謹遵

諭旨逐一聲明勞績分別等次獎賞擢薦會同署撫臣  
楊永斌觀風整俗使臣焦祈年合詞繕摺奏臣東  
聞伏乞

皇上睿鑒謹臣謹啟  
奏與臣商酌而臣具以本案果擬擢薦其口臣  
辦理俱是照所議行應具題者具疏題奏應達部者咨  
部存案

同日又

奏為遵

旨覆奏事竊照拏獲匪犯陳美倫曾合案內之在事出  
力員弁兵役經臣等分別獎賞擢薦另摺奏

聞外查雍正九年九月間臣於巡撫任內因匪首李梅  
未獲商同前督臣郝玉麟遴委理搖同知龐嶼捕

緝該員查至西寧縣地方訪知有搖山散劄一事  
計擒匪黨楊士元等密訊供出陳美倫等謀逆實  
情并各犯姓名住址稟報到臣即飛飭密拏隨  
據該員遴委革職千總施士超東安縣武生何九  
星等帶領幹役往廣西藤縣五屯所改裝設計拏  
解陳美倫鄧志廣等到臣即傳同司道在署密  
訊供出夥黨羅京相等又因該員熟悉東西兩省  
情形凡經臣遴選員役指授機宜分頭購緝俱令  
與該員商酌而行是以本案渠魁夥黨俱已陸續  
全獲實屬始終效力之員臣查龐嶼由廣西舉人

命往廣東試用前經委署鎮平歸善番禺三縣俱能料  
理地方著有成效自補授理猺軍民同知受

恩感激益思報效實心辦事才守兼優洵屬幹練之員  
欽奉

硃批諭旨格外薦擢因無相當之缺未敢冒昧議  
請陞補所有同知龐嶼勞績不敢壅於上

聞臣謹會同署撫臣楊永斌觀風整俗使臣焦祈年合  
詞繕摺奏

聞伏乞

硃批諭旨

上

臣

鄂彌達

皇上睿鑒謹

奏

龐嶼既於此案係始終效力之員遇有相宜府道缺出  
援旨且疏題補

雍正十年閏五月十三日署理廣東總督鄂彌  
達謹

奏為奏

聞事竊惟粵東田禾一年兩熟仰荷

聖主敬

天勤民感召和氣屢登大有今春雨水十分霑足二麥俱

已豐收禾稻插種及時恐圍基低窪處所雨水

稍多因往肇慶看兵巡視海口營汛之便遂親履

圍基查勘因西水旋長旋消各處圍基竝無衝決

坍洩之處而圍內禾稻俱極暢茂詢諸各處民人

云今春雨水充足入夏以來雨暘時若圍內圍

外高下田地俱十分豐茂早插時者已經收割其

稍遲者亦皆豐茂將來自獲大有現在地方寧謐

民風熙皞除早稻收成數俟布政司彙報到日

皇上另行

奏報外合將臣經過各處豐稔情形繕摺奏

殊批諭旨

上

書

鄂彌達



聞伏乞 皇上睿鑒謹

奏 粵東雨暘時若情形以手加額覽之 旨與 臣等恭摺奏

同日又田賦則十分豐稔 奏為奏

聞事竊查匪犯余猷糾黨謀逆業經 臣等恭摺奏

聞并將一千人犯提押來省訊據供出閩省夥犯黃五 舍等咨提赴粵訊供助匪情實亦經具 題在案嗣復將余猷再四窮究又據供出夥犯陳奇

和林日恭係揭陽縣人隨又密飭查拏去後續據

該府縣稟稱有武舉黃裕典於五月十三日祭祀

關帝會眾飲酒近地居民多有疑訝等情又經密飭

訪查茲該縣將陳奇和林日恭密行拏獲竝查出

余猷等於上年被拏時曾留信於羅謂玉陳奇和林

欲令糾眾劫獄將羅謂玉竝獲到案與陳奇和林

日恭分別研訊各據供認本年四月初十日在於

羅謂玉家商謀招黨奇和遂招約林日恭王阿佑

并黃裕典而王阿佑又招得吳來亭謝阿天李阿

綱及兵丁李廣等商議去救余猷訂於五月十三

日拜把因各處地方嚴緊無計可施商量且先下  
船出海再作道理旋被訪覺查拏各自逃散等語  
拘到王阿佑等研訊供認相符惟武舉黃裕典兵  
丁李廣尚肆狡辯等情具報前來臣等查余猊不  
法已極正在窮究黨羽而羅謂玉等復敢聚謀劫  
獄似此一黨姦惡萬難輕宥除密飭文武嚴拏餘  
夥并將武舉黃裕典另疏叅革一面將現在人犯  
提押至省臣等親加嚴究務盡根株另摺具  
奏外所有續獲余猊案犯并查出聚謀搶犯緣由臣  
謹會同署撫臣楊永斌觀風整俗使臣焦祈年合

詞先爲奏

聞謹

奏

覽奏續獲案犯緣由知道了事關匪徒設謀糾黨慎密  
爲之母忽

雍正十年六月初九日署理廣東總督臣鄂彌達  
謹

奏爲安插窮民開墾情形仰祈

睿鑒事竊惟粵東地方山海交錯民俗刁悍貧苦者多  
所以小民惟利是圖每於封禁之礦山潛往偷挖

甚至販私盜竊毫無顧忌雖因習尚澆漓輕蹈法網亦由無田可耕無業可守遂致漸流爲匪臣自抵粵以來將奉到歷次諭旨刊刻遍示曉諭勸導一面嚴飭該地方文武官弁時加巡邏勿任礦徒聚夥偷挖旋據各屬覆稱小民聞有

上諭欣喜觀聽咸知感激

天恩不敢輕犯原封硃口無人偷挖臣隨行查各屬曠土及實在無業窮民已據各屬報到二千餘戶正在商酌安插荷蒙

聖主垂念無餘林之類亦在無餘林之類今惠臨之類欽差禮科給事中徐杞偕臣等悉心辦理隨經科臣徐杞親歷山場通行查勘各處礦硃皆屬封固硃口蔓草叢生竝無偷挖之事惟是無業窮民若不悉心調劑使其衣食有賴難保後來不蹈故轍查肇慶府大官田地方新設鶴山一縣及附近恩平開平等縣現有荒地數萬畝以之開墾耕種安插貧民最爲相宜臣上年曾委糧驛道陶正中料理新縣城工兼令查勘荒地鶴山縣境現據丈出荒地三萬三千餘畝查業戶耕地百畝須佃五人此可

安集佃民一千六百餘戶恩平開平荒地甚多不止一二萬畝現今丈出五千餘畝尚未及四分之二因該處地廣人稀雖有藩庫墾荒銀兩莫肯赴領承墾臣等諭令有力商民招集惠潮等處貧民給以廬舍口糧工本每安插五家編甲入籍卽給地百畝復念各佃遠來托居雖有可耕之業仍恐日後予奪憑由業戶不能相安應爲從長計議凡業戶領田百畝各佃俱帶領地五畝與田主一例納糧永爲該佃世業田主不得過問庶佃戶稍有望主餘資無偏枯之嘆亦可無逋租之虞今惠潮二府

貧民就居鶴山耕種入籍者已有三百餘戶現在陸續依棲日益增聚兼聞先到之人安頓得所無不踴躍趨赴其各屬未報貧民亦必陸續報出容臣等遍查高雷廉等各府州縣可墾荒地一併丈出次第設法安插使窮民皆有恒產足以資生不數年間野無曠土地無遺利全粵深山窮谷無復有失業遊手之民風俗淳美夜戶不閉地方官民均感

浩蕩洪恩於無旣矣謹將安插緣由會同署撫臣楊永斌科臣徐杞合詞繕摺奏

聞伏乞 皇上睿鑒謹  
奏

貧民如此安插甚好料理殊屬妥協

同日又

奏為遵

旨覆奏事竊查潮州鎮臣李萬倉

奏請將黃岡協柘林汛左營守備改為柘林水師專  
防海澳配造船隻分泊柘林管轄港口之雞母澳  
西虎仔嶼二水汛哨巡一摺奉

殊批言之督臣酌議具奏欽此前經督臣郝玉麟檄委  
惠潮道胡恂確勘議詳前來臣細加覆核查柘林  
一汛在黃岡之東為明初沿海五水寨之一向以  
閩廣上下往來必經視為海道第一關鎖門戶則  
當時南澳棄為盜窠無官兵守巡之故也我

朝掃靖海氛設立總兵大員鎮守南澳左右福廣兩  
營雄踞海中柘林已在肘腋之內是以汛防定制  
以黃岡協營守備防守柘林於雞母澳礮臺駐防  
官兵八十四員名西虎仔嶼礮臺駐防官兵二十  
四員名皆為陸汛俱屬黃岡協管轄礮臺之下一

帶汪洋俱屬南澳鎮水師管轄設船三隻配兵一百名專防雞母澳大小金門等水汛則以諸汛距南澳鎮城不過二十五里之海面宜歸畫一以專責成不另立水師法至善也茲若將柘林守備改爲水師添造戰船則陸汛已屬空虛柘林所轄之馬頭山等處諸礮臺勢必又另撥兵防守此更改之不便於陸汛者也且二十五里之海面兩岸俱設水師勢必與南澳右營分內外洋界內則咫尺之地無所庸分外則洪濤巨浸難以分清一遇失事反得滋其推諉此更改之不便於水汛者也查

雞母澳礮臺固爲要緊之區然陸汛有官兵駐防水汛有戰船巡緝至周至密可以不必更張西虎仔嶼礮臺依山傍岸四面俱係礁石淺沙戰船原不能至止因洋面界限無憑分別遙望此嶼爲界東屬左營西屬右營竝非應防汛之所更可無煩籌畫應將該署鎮所請之處均無庸議理合繕摺

奏覆伏乞

皇上睿鑒謹

奏

所奏是將此議當令李萬倉知之以增長其識見

雍正十年七月初二日署理廣東總督臣鄂彌達  
奏謹

奏爲恭報粵東早稻收成分數仰祈

睿鑒事竊照粵省今歲春夏雨水霑足早稻業已登場  
茲據署布政司黃文煒將各屬早稻收成分數彙  
報前來臣查各府州所屬收成自十分九分以及  
八分七分不等各屬米價自五錢起至八錢一五  
分不等目下新米上市價值自必益減其各處農  
民呈報瑞穀一莖數穗者甚多家給人足共慶盈  
寧此皆我

皇上敬

天勤民精誠感格是以海隅蒼生成歌樂利所有各屬早

稻收成細數臣謹另摺分晰恭呈

睿鑒爲此謹

奏

覽粵東收穫并米價情形朕實深爲額慶

同日又

奏爲酌裁鹽政陋例以節浮費事竊照鹽政衙門向  
爲利藪及歸督臣管理節經查明應歸公者

奏明歸公應禁革者陸續禁革現在一無陋例但查

運使衙門商人上納鹽餉庫官庫吏每百兩尚有規禮三錢折引每封規禮一兩經歷規禮二兩每年約數千餘兩又有單房收標修秤埠差等項飯食名色每年約計亦數千餘兩雖積弊相沿由來已久而爲數殊覺太過今臣俱一一斟酌約算各官役出入之數量加裁革或存留一半或裁七存三務俾官役可以辦公而亦不容因以爲利再查運使衙門向有公匣一項衆商內每年公派六人於運使署側設立公櫃每商拆引一封上價之後運使填發水程不給該商領去轉發管理公匣之

人每封繳銀十九兩方將水程給發衆商惟恐領遲以致違限不得不與名曰公費每年約銀六七千兩以備運使衙門不時之需及督臣生日年節禮物之用臣查運使衙門向有收餉每百兩加平三兩三錢上價每百兩加平八錢除支解銅筋水脚都察院飯食起解各餉平頭路費及臣衙門書役工食紙劄外每年約餘五千餘金以作養廉已足敷用不應復累各商至臣衙門禮物向來俱不收受此項銀兩臣曾檄取公匣收支底簿閱看不過供此管匣六人之酒食花銷而已衆商血本所



關而此六人假公費名色用如固有甚屬不合臣  
已嚴飭革除至於各場大使管理竈曬向例發價  
皆有扣頭收鹽皆有加秤一年四節曬丁柵長皆  
有額規又有家人司事巡丁各項小禮邊海窮民  
所得官價尚且不敷工本若再層層剝削民何以  
堪欲不走私勢必罷曬臣已將扣剋剝竈最甚之  
博茂場委員陳紹箕咨革究審仍通行申飭現在  
各場皆知儆懼改悔臣亦容其自新倘有不遵臣  
亦斷不姑恕臣蒙

天恩總理鹽政惟有悉心整頓總期弊革風清以仰副

皇上恤商恤竈至意所有酌裁陋例事宜理合據實奏

聞伏乞

睿鑒謹

奏

嘉是覽焉務期言與行符實力勉爲之操守一節爲大  
臣立身之根本果能於此堅持不移屬員何有不服公  
務何有不辦加意砥礪自勉莫視爲易事

同日又

奏爲奏

聞事竊照貴州黎平一帶新闢古州地方素不產鹽又

殊批諭旨

上

奎

鄂彌達

無額引民苦淡食臣前任貴州布政時知其地向  
俱買食淮鹽價值昂貴民甚不便臣思淮鹽運至  
彼地路途遙遠脚費繁多自應價貴若粵東運至  
古州一水可通路費尚少不難減價銷售且粵省  
產鹽甚廣現在壅滯若黎平一帶鹽可多銷不但  
便該地民食亦可裕東省課餉一轉移間於黔粵  
兩省俱有裨益前經廣西撫臣咨會議先撥西省  
存留善後鹽五百包前往試銷以後卽令黔員領  
廣東引鹽運賣但臣查古州河道開通商賈輻輳  
銷售必多旣需行銷東省鹽包不若東省專委幹

員前往相度會同料理庶乎每年銷引封數沿途  
運脚多寡應責何員考課應定賣價幾何更得核  
查明確臣現在咨商貴州撫臣撥出子鹽一封專  
差原任潮贛分司俞文耀運往該地試銷每觔暫  
定價銀二分一釐聽該地民苗買食除俟試銷有  
效酌定引目擬立成規另行  
題增引餉外理合先行奏

聞伏乞

皇上睿鑒謹

奏

試爲之如果通行有益具疏題請可也

同日又

奏爲請

旨事竊照兩廣鹽務頭緒繁多苟非經理得人不能肅清無弊查省河與潮州之廣濟橋各場埠係運使運同經理輾轉遷延拖欠累十數萬若不極力整頓款項究不能清誤兵餉而虧帑項臣實不敢因循苟且上負

皇上便民裕課之盛心查得運使馮元方才具雖尚明晰但與商人親密往來遇事每多瞻徇課餉恐有

天恩掩飾完欠難以稽查再潮州分司程哲人雖樸實而會計無才潮汀各官埠積欠亦多俱未清白雖據稱皆有鹽包可抵竊恐不無那移必須調員徹底清查然後實欠實完方有著落可以漸次督追臣查馮元方不便再留此任現在廣南韶連道李可淳病故臣已會同撫臣另本

題報查此缺事簡尚易勝任請以馮元方調補觀其命後效至運使一缺查有韶州府知府陳鴻熙操守廉潔辦事精明剔弊釐姦不避嫌怨緣其人心直口快不能面從故有狂妄之名其實現任各府罕

出其右且從前曾經辦理潮州運同事務於鹽務甚為熟悉以之陞授鹽運使必能弊杜風清倘蒙俞允其韶州知府一缺容臣等另選  
題補至運同經管潮惠汀贛四府鹽務料理整飭亦須廉幹之員查有潮州府同知張士璉居官明決操守潔清堪以調補運同至現任運同程哲久任海疆尚無別項劣蹟請以借補潮州府同知各該員調任之後實欠實完無能掩飾自易盤查矣惟為清查完欠防侵杜那起見用敢仰懇未前自備天恩俯准調補伏乞  
臣等查再請開列在內謹  
奏

皇上睿鑒  
特降俞旨施行謹

奏  
照所請有旨諭部矣

同日又  
奏為請

旨事竊照廣州府香山縣屬有淇澳麻子二村淇澳孤懸大海人跡罕至麻子三面倚山一面臨海汪洋浩瀚風濤異常又離縣寫遠稽查莫及兩村居民約數百家恃險為巢半作海洋盜賊臣於本年五

月內密諭按察司轉委番禺縣訪查去後據查得麻子淇澳二村之陳理開歐陽德祐羅象興羅象茂羅惠倫蔡德明六船近有爲匪搶劫等事爰於六月初六十三等日臣與署撫臣楊永斌觀風整臣俗使臣焦祈年面諭署廣州府事同知龐嶼香山協副將黃錫申前去會同該縣親至該村相機擒撫隨經計擒各船首盜陳理開等六人審據供認情實因念渠魁既獲脅從應予自新又人犯衆多緝拏轉易驚逸於是張示曉諭宣布

皇仁許其投首槩從寬典旋據陳理開六船之盜夥陳

亞五等六十五人自行投首并有別案黃玉純等一十九人聞風同出并繳出小船十有一隻礮械六十四件皆各伏地謝罪情願自新於六月二十日押解來省隨檄行按察司嚴審究擬去後茲據府縣審供由司詳報前來臣查海洋行劫比照陸路响馬罪在不原但查雍正七年七月十九日曠盜謝恩榮等行劫海豐縣梅隴墟徐秉閑等家自皇上行投首案經前督臣郝玉麟審明

奏請奉

旨將拒捕傷人之黃天明等斬決餘犯從寬分發各省

旨詳當差在案今麻子淇澳二村匪犯一經龐嶼等宣  
奏揚奉

皇上保民如赤之盛心伊等卽自行投首除各船爲首  
之陳理開歐陽德祐羅象興羅象茂羅惠倫蔡得  
明均屬法無可貸旣經拏獲律應斬梟逃軍鍾捷  
聰另案歸結外其六船盜夥自行投首之陳亞五  
等六十五人原訪無名聞風投首之黃玉純等  
十八人皆屬情有可原查各犯生長海濱駕船度  
活熟識水性海中俱能潛行數十里查現在各標  
新設哨船水手兵丁未盡諳練若每船再添一二

熟練之人更爲有益臣等不揣冒昧仰懇

皇上天恩可否俯念各犯旣經投首准予自新或發川  
陝入伍當差抑或

恩准仍留廣東配各巡海船隻每船酌撥二人旣可教  
習水師亦易收管約束

洪恩出自

聖裁臣等未敢擅便再各盜理應分案具

題因該犯衆多又經自首若循次議結未免監候日  
久不無瘦斃堪憐可否

敕部議結追贓給主以儆兇頑以寬脅從伏乞

皇上睿鑒批示遵行臣謹會同署撫臣楊永斌觀風整俗使臣焦祈年合詞請

旨謹

奏

此自行投首各犯作何結案之處該部速議具奏

雍正十年九月初三日署理廣東總督臣鄂彌達  
謹

奏爲人才難得據實奏

聞仰祈

睿鑒事竊臣一介庸材荷蒙

皇上天恩畀以封疆重任蚤負弗勝時虞隕越夙夜思

維惟期得人以資治理不特現任屬吏加意甄陶

卽降黜罪廢之員臣亦留心訪查臣於抵粵之初

卽聞有原任潮州府普寧縣知縣藍鼎元操守廉

潔實心任事被叅去任百姓謳思臣猶未敢遽信

兩載以來細加體訪乃知藍鼎元不特人才可用

抑且品行端方查藍鼎元係奉

旨補授廣東普寧縣知縣行文督撫試看以要緊州縣

缺酌量題補之員緣雍正六年署潮陽事任內有

原任惠潮道樓儼運貯潮陽西穀被押運巡檢范

仕化等勾同船戶沿途盜賣并買糶穀攬和共缺少穀三千二百石樓儼令鼎元代賠鼎元無力賠補致被樓儼揭叅革職所有擬追贓項皆同官及士民代爲清完臣在粵兩載鼎元從未至臣衙門投一稟刺本年三月內因藍鼎元叅案已清檄調來省傳入署中細加觀察與臣訪聞無異伏念我皇上愛惜人才寸長必錄臣仰體聖心何敢知而不言不揣冒昧謹據實具

奏如蒙

皇上天恩特賜召見臣卽給咨藍鼎元赴京引

見自必感激番音

洪恩益加勉勵矣爲此謹

奏

藍鼎元應賠之項如果全完案件旣經清楚給咨令其赴部引見可也

同日又

奏爲奏明事竊照雍正九年六月間臣在巡撫任內

時有安南番民鄧文武等男女共五十六名口在

伊本國平順府開船往嘉定府販買稻穀洋中遭

風飄入廣東銅鼓角海面經巡海官兵搭救護送

硃批諭旨

上

七

鄂彌達



至省臣隨行飭查驗有該國印照實係遭風破船  
並無別故臣仰體

皇上柔遠洪仁卽諭地方官酌給房舍衣食加意撫恤  
奏嗣因船商郭廣興往安南貿易之便臣給發印文  
資以路費令搭郭廣興船交明該國王安插茲於  
八月十八日據船商郭廣興回粵稟稱難番鄧文  
武等均各平安歸國今齎有安南國王回文并帶  
奏送臣伽南香沉香生絹棕竹胡椒燕窩魚翅海參  
其恩等物臣接閱文內無非感謝之詞但臣職任封疆  
良自撫恤難番皆仰體我

皇上中外一家之至意非敢市惠於該國臣民也所有  
土儀等物未便收受除暫寄布政司庫俟覓有安  
南貿易便舟寄還外理合據實奏

聞伏乞

睿鑒謹

奏驗米客只受書無回可回臣等臣等臣等  
辭讓不受甚是仍須婉言覆之庶爲得體

同日又

奏爲請續于

旨事竊照粵東一省山海險阻易藏匪類查有廣肇二

府連界之百峰山係新會新寧香山開平四縣所轄疊巘千層路徑叢雜人莫能識且距海甚近素爲洋盜逋逃淵藪舊有無賴匪徒招邀黨羽霸踞山場發標抽取往來商漁船隻及入山樵炭花紅銀米客民受害無可如何歷任督臣欲行擒剿賊在高山瞭望官兵進口卽先遁藏勦捕難施益無顧忌山中荒田數千頃莫敢前赴墾闢卽山外附近之錦被萌等處膏腴廣衍俱置拋荒數十餘年無人過問皆由伏莽未清是以良民畏避我百安皇上德威遠播近年以來已經漸次散去山中匪類不

過數十餘人仍索取樵炭船隻花紅擾民若不悉心經理不特客民受害且使千頃膏腴淪爲棄壤臣委員密查得其姓氏隨密諭肇慶府知府劉庶開平縣知縣張濼等細心辦理設法躡緝并多發告示諄切開導令其悔罪自新隨據該縣張濼先後招到賊首陳亞滑彭上彩李雅拱三名到臣隨隨與署撫臣楊永斌觀風整俗使臣焦祈年面加開導該犯稽首伏罪皆各感激

皇恩情願出力擒招夥黨贖罪臣隨賞給花紅等物仍交該縣帶往招緝旋據陳亞滑等三人先後招到

羅阿九等四十七名赴開平縣及廣海營各報解到臣隨檄委肇慶府會同開平縣訊取各犯確供去後嗣據報稱各犯俱供認因貧無食入山抽取炭廠花紅漁船錢米不諱查此案匪黨原係五十七人除鄺天遠等五名先於本年三月內因犯別案拏禁新寧縣監應於彼案審結現在投首人內惟彭擢干等六名供認本年閏五月內搶過伍德叶柴船一次應俟彼案審明仍照自首例議結未獲張傑有黃傳連到日另結外其餘四十四人竝無強劫案犯俱係窮民失業以故羣聚私抽是必

安插有方然後地方永靖臣細加驗看查陳亞滑等二十四名俱皆年力精壯諳曉武藝若以分發各營給糧操防則其身心既有約束衣食又有仰賴倘遇搜緝山谷彼皆可以效力至陳祖帶等二十名皆係農民素知耕種臣經檄委糧驛道陶正中勘丈恩平之錦被菴等處荒地令招民墾作田園擬每名給田二十畝另給牛種口糧銀十兩編入保甲令各保長管束則伊等皆樂業安生不致復蹈前轍矣至百峰山曠地臣當另委能員勘查清丈招墾又可安插惠潮貧民數千家臣爲安插

奏民開墾荒地起見此現在自行投首人等應否  
如臣所請就地安插抑應發往別省當差臣未敢  
擅便伏乞 皇上睿鑒  
特降諭旨施行臣謹會同署撫臣楊永斌觀風整俗使  
臣焦祈年合詞具  
奏

朕未親睹若輩情形何可遙定斯事不便特降諭旨施  
行應否就於本地安插在汝審度區處可保他日不擾  
地方乃係極當之舉若稍涉疑似仍照例辦理為是汝

斟酌允協然後具題奏請本內不必援引此也具奏批  
署理廣東總督臣鄂彌達署理廣東巡撫臣楊永  
斌謹

奏為遵

旨據實回奏仰祈

聖裁事雍正十年七月二十七日臣等奉到內閣交出

廣東右翼鎮總兵臣李維揚摺奏內稱外洋商艘

從前皆在虎門口外灣泊迨康熙五十年間移入

番禺縣之黃埔距省城僅三四十里其早晚操演

銅鐵大礮省會之地大非所宜請飭令仍在虎門

海口灣泊等語奉

旨李維揚奏摺著寄與署總督鄂彌達署巡撫楊永斌閱看其言可採與否令伊等據實回奏欽此臣等查得虎門所屬巨海汪洋風濤甚險其口外口內皆望禁不可長久灣泊若現在夷船停泊之黃埔實係逼窄近省城一任夷商揚帆直入早晚試礮毫無顧忌未免駭人聽聞該鎮臣所奏之言實有可採伏查香山縣之澳門河下上至沙灣頭下至孃媽閣地濶浪平可以長久灣泊現今澳夷各洋船皆在此處停泊實屬安穩無虞况查從前洋艘原灣此地

緣康熙三十五年粵海關監督屯宜爾格圖據澳夷目倭囉哆等結稱澳門原為設與西洋人居住從無別類外國洋船入內混泊等因具

題經部覆准故至今各洋船皆移泊黃埔地方但臣等悉心詳查澳門原係內地西洋人不過賃居豈容澳夷視為己物如云澳門為西洋人之地不便容別國洋艘停泊豈黃埔內地顧可任其久停耶臣等仰懇

聖恩請自雍正癸丑年為始凡各外國夷船仍照舊例在澳門海口拉青角地方與西洋澳夷船隻一同

灣泊所有往來貨物卽用該澳小船搬運仍飭沿途營汛往回一體撥駕槳船護送礮位軍器不得私運來省如此則內地防範周密夷船亦無漂泊之虞矣詎等謹遵豈黃猷內賊爾爾其入會匪旨據實回奏

奏伏乞

皇上睿鑒施行謹

奏

九卿會議具奏

雍正十年九月十九日署理廣東總督漚鄂彌達

奏爲請

謹

旨事竊照廣肇二府連界之百峰山匪黨私抽一案經臣等先後擒招得陳亞滑等五十五名業將別案有名之鄺天遠等十一人分別歸案陳亞滑等二十四名議發各營食糧陳祖帶等二十名議給牛種墾荒未獲黃傳連張傑有到日另結於本年九月初三日具摺請

旨茲復據署廣海寨遊擊馮元稟稱有犯黃傳連率領向年同在山場之李亞七陳亞丁汪亞六三名俱

赴營投首於九月十六日押解到省臣等覆加看  
驗黃傳連李亞七年力精壯頗諳武藝堪以入伍  
陳亞丁汪亞六皆知耕種堪以墾荒理合分別奏  
聞或俯照臣等所議安插本省或發別省當差伏乞  
皇上批示遵行臣謹會同署撫臣楊永斌觀風整俗使  
臣焦祈年合詞具

奏

遵照前旨施行

奏同日又

奏爲呈請代奏恭謝

天恩事竊查廣東每年鹽政奏銷各項使費餘剩銀三  
千餘兩經前任督臣郝玉麟奏請自雍正九年爲  
始將此項餘剩銀兩補給提鎮養廉不敷提督給  
銀六百兩左翼右翼碣石潮州高州瓊州南澳七  
鎮各四百兩等因經大學士鄂爾泰等議覆具  
奏奉

旨依議由部行文到粵欽遵照會在案今據各該鎮臣

李萬倉等合詞呈請代爲

賞奏謝等由到臣理合據情代

皇奏再照此案又准廣東提臣張溥咨稱叨蒙

皇上隆恩畀以封疆重任俸薪之外復蒙  
賞賜親丁養廉名糧八十分營中公務又有公費名糧  
儘足用度分給銀六百兩請留爲別項公用不必  
解送等因咨覆到臣查此項銀兩旣准提臣張  
奏溥請留別項公用自應存留充公另撥別項之用  
合併陳明伏乞 皇上睿鑒施行謹

奏  
覽奏知道了張溥養廉銀兩仍當給與

天恩同日又諭東海

奏爲敬籌各標生息銀兩永遠流通勻給賞賚之法

仰冀

聖裁事竊照粵東一省督撫提鎮各標兵丁荷蒙

皇上天恩賞給帑銀十萬兩存公生息以資吉凶賞

賚之需復以各協營兵尚未遍及時厯

聖懷雖經前督臣郝玉麟

奏請於雍正癸丑年一例開賞在案但臣將各標生

息本利細加核算尚屬不敷若不悉心料理則通

省兵丁不能均沾賞賚查原帑十萬兩現在借給

鹽商各標二分生息三年以來皆無缺少已經開



賞仍有餘剩至開當各標除清一切費用之外利息不及一分若每月抽銀給賞勢必虧本故開當各標至今兵丁尚未開賞焉有餘潤以及協標臣未思生息五項欽奉一因開賞五案臣詳請

諭旨原著臣等通融辦理不必膠於一定如滇黔宜於分派營運自應分散各營若粵東分派煩難則又臣不如聚總生息臣通盤核算似宜將當舖一總收臣起俱按引分借鹽商每月每兩二分起息逐月月底繳鹽運使兌收將所得息銀按通省各標營兵臣奏于多寡分派令該營於每季赴省領餉時即將該

營應得利銀順便領回以備賞恤最爲妥便查現在帑本十萬兩利銀亦約有三萬兩若借給鹽商二分生息每年可得利銀三萬一千二百兩自本年十月起至雍正癸丑年六月則所得利息即可勻給通省各標卽協營亦可一例開賞均沾

皇上一視同仁之實惠矣臣爲均平生息接濟開賞起見已與署撫臣楊永斌面酌竝札商提臣張溥俱與臣意見相同是否有當伏乞

皇上批示遵行謹

奏

果能令闔省標協兵丁均沾實惠永遠通行無弊自屬善舉酌量爲之

雍正十年十一月初九日廣東總督臣鄂彌達廣東巡撫臣楊永斌謹

奏爲恭報粵東秋成分數仰祈

睿鑒事竊照粵東通省晚稻收成分數據布政司甘汝來彙報前來查各府州屬秋成自十分九分以及八分七分不等各屬米價自五錢以至八錢二分不等且據各屬送到瑞穀自一莖雙穗以至七穗一本十數穗以至一百二十九穗自四五尺以及

間或長至一丈一尺者不等實在家給人足共慶盈寧皆由我

皇上重農貴粟勤恤民依是以感召

天和年登大有臣不勝踴躍歡欣之至謹將各屬所報收成細數另摺分晰恭呈

皇上睿鑒外理合據實奏

聞謹

奏

粵東秋成分數以手加額覽焉此皆卿等忠誠盡職有以感召

天庥之所致自茲惟愈加寅畏居心敬慎從事可也期共勉之

雍正十年十二月初一日廣東總督臣鄂彌達廣  
東巡撫臣楊永斌謹

奏為奏明事竊照潮州府饒平縣已革武舉余猷因窩藏偷牛賊犯被府詳革枷責挾恨問官糾黨陳阿幼等欲打鬧府署搶劫潮州府城東門行舖冀圖報復事發被拏復囑黨羅謂玉陳奇和等糾人劫犯隨被訪查拏獲業經臣等會同先後奏

聞在案嗣將各犯提解來省飭發究審據布按司會

同審解前來臣等傳同在省司道各官嚴加確審據各犯供認糾黨拜盟歃血訂期思欲鬧署劫舖以圖報復及羅謂玉陳奇和等供認因余猷囑令劫獄相救省城兵役衆多難以搶劫遂糾人拜盟謀俟余猷審明解回之日在途搶劫下海逃躲各情形歷歷不諱至究其有無預備器械船隻米糧等項并有無謀為不軌別情據各堅供當日甫經商議卽被查拏竝無預備各項亦無圖謀不軌別情臣等覆核案情除懼禍未同拜盟之陳新老等七名及被陳衍鳳哄誘另一起拜盟竝無歃血亦

不知爲匪情事之陳阿龍等六名另擬外其余猥黃五舍等三十四名照依謀叛未行分別首從問擬俱屬符協惟查余猥一犯始因窩竊犯法輒思糾黨鬧署劫舖報復被獲之時復敢囑人劫獄且其平日好爲結納浪博仗義之名以致未經謀面之人皆肯爲其出力誠屬姦惡巨魁與光棍無二臣等再四確酌應將余猥照光棍爲首定擬斬決餘犯照謀叛未行問擬庶情罪各得其當除現在繕疏具

題外所有審擬該犯姦惡情形及從重問擬緣由理

合繕摺

奏明伏乞

聖鑒謹

奏

此案人犯緝捕審擬均無枉縱題到之日有旨

廣東總督臣鄂彌達謹

奏爲恭繳

硃批原摺事竊臣前具奏保舉原任普寧縣知縣藍鼎元一摺奉有

硃批臣遵查得原任普寧縣知縣藍鼎元實非尋常之

奉批才前因署潮陽縣事被參其應追應賠各項俱係  
同官及士民代完一一清楚業經前督臣郝玉麟  
題明准部議覆奉具奏於舉京外普寧縣賦課蠲  
旨免罪此外並無不清之案除給咨藍鼎元親齎赴部  
聽候帶領引

見外理合

奏覆並將歷奉

硃批原摺另封恭繳謹

奏

俟引見後有旨諭部

同日又

奏為莠民感激

聖化相率悔罪自新恭懇

皇恩准予安插事竊照廣肇二府連界之百峰山匪黨

勒抽花紅一案經臣等先後招撫陳亞滑等五十

五名於本年九月初三日繕摺具

奏奉有

硃批臣等悉心籌畫粵省土疆衍沃四民藝業儘可資

生而無賴者恒伏莽為活皆由前此地方官視若

隔膜不加約束游手無業之故也人非木石誰自

甘爲匪類况令甲煌煌在有司亦無難區處惟仰  
體

皇上仁育義正轉移化導盛心自可相安無事詎等摺  
奏之後續又招到黃傳連等四名復於九月十九日  
繕摺請

旨兩月以來山陬海角游手無賴之輩頗知悔悟從前  
失身攘竊感泣愧勵願爲

聖世良民自行投首絡繹不絕據廣州府屬之清遠縣  
解到賊首文亞長撫黨禰汝鵬等共十名新寧縣  
廣海營解到賊首李逢春撫黨朱亞女等共十二

名香山縣解到撫黨林開運等二十四名咸聞

聖恩寬大願乞改過自新俱與自首免罪之例相符臣  
等細思此等匪徒皆係饑寒所驅無知犯法非刦  
殺大盜可比既已嚮風革面似可許其自新若照  
例發遣他省未免安土重遷背去祖宗廬墓且南  
人不耐寒冷將以轉徙凍斃爲憂而深山窮谷一  
二藏匿逃竄者亦將畏避不出反塞其自新之路  
臣等不揣冒昧恭籲

皇恩准留本省安插通計百峰山先後招到匪犯五十  
九名清遠新寧香山三案共犯四十六名臣等派

撥分發通省各營入伍當差每營不過一二名約束甚易其老弱朴愚情願耕種者分發在墾田處安插則有保甲業主約束亦不能復流爲匪有恒產者有恒心爲兵爲農皆可安生樂業臣等再飭該管文武留心稽查勿爲姑息斷斷不至擾害地方似可行之無疑緣係奉

旨斟酌允協事理謹會同撫臣楊永斌觀風整俗使臣焦祈年繕摺

聖奏覆伏乞

皇上睿鑒謹

奏臣等謹奏事臣等公同詳酌辦理  
覽奏已悉斯事原命汝酌宜而行今既經籌思於地方有益無害斷在不疑照此辦理爲是

雍正十年十二月二十日廣東總督臣鄂彌達廣東巡撫臣楊永斌謹

奏爲奏明事竊照匪犯陳美倫曾合等在廣西梧州糾黨散割潛謀不軌一案臣等於雍正九年十一月內查覺陸續拏獲審供俱經先後奏

聞在案茲據布按二司審擬招解前來臣等會同嚴審已各分別首從按律定擬惟查曾合原供尚認康

熙五十年正月十五日同病故大盜李士雄在廣東省城觀音山商謀搶劫又於康熙五十二年六月十九日同已故容得臣在新會外海祭旗謀叛兩案亦經錄供奏

聞茲審擬具題理應并敘但查曾合業於本案問擬凌遲處死而昔年爲首之李士雄容得臣等逐一細加確查俱已物故其餘脅從迄今二十餘年大半病故無存若一一根究則株累必多且恐姦民誣指善奏良借端生事等公同斟酌仰體

皇上如天好生之深仁不揣冒昧將曾合止就本案歸結從前二案槩予免究庶無辜不致播害卽反側無知之徒亦可自安除現已繕疏具題外所有曾合前供觀音山及新會外海二案未經敘入緣由理合繕摺

奏明伏乞

皇上睿鑒謹

奏

止就本案歸結甚是所奏知道了

廣東總督臣鄂彌達謹



奏為據實奏

聞事竊臣一介庸材荷蒙

聖恩超擢簡任封疆數年以來時刻留心人材苟有深

知灼見練習吏治者臣不敢不據實奏

聞查

所論是徐杞將來可望成器欽差通政司右叅議臣徐杞為人淳朴才具明達實心

任事在粵一載巡查各處山場甚屬詳細竝未絲

毫驚擾地方布政使甘汝來居心醇謹才具明晰

甘汝來為人乃朕所稔知近日或肯改悔奮勉自新亦實心任事此二員者皆練習吏治之才我

未可定然究係中才而非上等資質也留心試看此論皇上聖明洞照諒已久在

朕殊不取睿鑒之中臣相與共事一方細加觀察其才具皆屬難

得用敢據實奏

聞伏乞

皇上睿鑒謹

奏

覽



